



SECONDA SESSIONE STRASURDINARIA DI U 2019

2^{ème} session extraordinaire de 2019

26 è 27 di ghjungnu

26 et 27 juin

2019/E2/064

Question déposée par Vannina BURESI-ANGELINI au nom du groupe Corsica Libera

Objet : *Pulluzione cagunata da i battelli detti di « croisières »*

Sgiò Presidente di u Cunsigliu Esecutivu,

A Corsica hà cunnisciutu è cunosce oghje dinù, una stonda di pulluzione fora di norma. A ci dicenu tutti troppu spessu e misure di Qualit'air Corse.

A repetizione di st'evenimenti ci impenserisce assai par a salute di i ciucci, di e parsonne anziane, asmatiche o altre. L'aria hè un bisognu fundamintale, n'avemu tutti bisognu. Ci sò e pulluzione prудutte ind'è noi, è quell'altre purtate da i venti. Ci tocca à fà calà u più pussibile quelle cagunate da l'attività umana ind'è noi.

À u livellu internaziunale, dicenu i scintifichi ch'elli pruducenu assai gasi periculosi par a salute i battelli : ferry o battelli di cruciera. Certe cumpagnie anu attaccatu à verdisce i motori è certi porti permettenu à i battelli di brancà si nant'à u currente di a cità quandu elli si ne stanu in portu.

Sapendu ch'è i porti sò a pruprietà di a Cullettività di Corsica,

Sapendu ch'ella ci tocca à rivede a Programmazione Pluriannuale nant'à l'Energia, di modu à entre più lesti in a trasizione energetica da ghjunghje à un' indipendenza energetica cù 100% d'energia rinnuvevule,

Sapendu ch'è sti pochi ghjorni, l'attualità hè stata soprattuttu accupata da a pulluzione, quella da « a pulvaretta » purtata da u sciroccu,

Sapendu ch'è no circhemu à ghjestisce è à cuntene l'impattu negativu di a sopra friquentazione nantu à l'ambiu,

Sapendu ch'è in lu mare di u Nordu è nantu à e coste americane, sò imposti avà, i « carburanti puliti », per via di a zona SECA/NECA, par a quale a nostra Assemblée hà vutatu dighjà.

Sapendu ch'è l'elettrificazione di e calate, vale par i batelli « ferries », ùn ponu bastà par sti batelli giganti.

Cumu si pudaria fà da tene contu di l'aria ch'omu respira in e vicinanze di i nostri porti di cummerciu : Aiacciu, Bastia, L'Isula, Purtivechju o Prupia ? Sapendu ch'è CCI volenu avanzà per mudernizà i porti di cummerciu, cosa puderate mette in ballu da sustene l'attrazzera di i nostri porti in brancamenti elettrichi in energia rinnuvevule ? Ch'è puderate mette in ballu di manera à scrive un quaternu di e cariche in u filu di ciò ch'ella ci cummanda a primura di a salute di a nostra ghjente è i bisogni di a trasizione energetica ?

Hè una quistione di salute publica, d'acceptabilità suciale di a prima attività economica di l'isula : u turisimu, è d'attrattività di a Corsica, a nostra isula verde.

A ringraziavi.